

Buti na lang  
Sakin ay dumalaw ka  
Kung sino pa  
Yung di ko kilala  
Buti naman  
May nakaalala pa  
Sa tulad kong  
Lagi na lamang  
Mag-isa

Ang himbing ng tulog ko dito sa sulok ng aking selda  
Nang may tumawag sa akin  
Di ako makapaniwala  
Ang tagal ko nang naka kulong ni wala manlang nangamusta  
Bakit ka ba naparito? Teka muna sino ka ba?

Tawag nila sakin ay Waki di mo nako natatandaan?  
Nakainuman kita dati  
Dun sa luma niyong paradahan  
Ah ikaw ba yun o anong kailangan mo sakin?  
Wala naman tol gusto lamang kitang kausapin  
May dala ako ditong damit  
Baka nagugutom ka  
Hetong pagkain naka balot  
Pwede mong bigyan ang iba  
Oh ayos ah ano tayo mag syota?  
Pero salamat  
Sana nagdala ka ng toma  
Kung pwede lang sana eh  
Teka maiba ako  
Kumusta ka naman dito?  
Eto dakilang preso  
Napapadalas manalangin  
Pero naniwala na rin  
Na masyadong mataas ang langit  
At dito sa baba ang impyerno

Buti na lang  
Sakin ay dumalaw ka  
Kung sino pa  
Yung di ko kilala  
Buti naman  
May nakaalala pa  
Sa tulad kong  
Lagi na lamang  
Mag-isa

Ano nang plano mo?  
Ano pa eh di maghintay ng milagro  
Yun lang naman ang pwede kong gawin eh umasa kay poncio pilato  
Tsaka wala naman akong babalikan sa labas  
Dati nakong tambay  
Lagi pang utas  
Sakit ng ulo ni Tatay  
Palamunin ni Nanay  
Di ako nakatapos  
Suki pa ng away

Wala na ngang trabaho  
Sa bisyo alipin pa  
Alak pati droga  
Sige mamili ka  
Di ko naman sila masisisi  
Anong gagawin ko ganito ako  
Sino ba naman ang mawiwili  
Pati kasintahan ko ginoyo ko  
Pero kung bakit ako naka kulong?  
Ibang usapan yun  
Tungkol dun sa babaeng pinatay  
Basta wala akong alam dun  
Bigla nalamang akong dinampot  
Sabi nila ako daw  
Dito nako bumantot  
Gusto ko nang bumitaw  
Minsan nga naiisip ko eh  
Napariwara na ba ako  
Buti nalang dumaan ka may nakakausap ako

Buti na lang  
Sakin ay dumalaw ka  
Kung sino pa  
Yung di ko kilala  
Buti naman  
May nakaalala pa  
Sa tulad kong  
Lagi na lamang  
Mag-isa

O bakit ngayon ka lang bumalik?  
Pinaghintay mo ako ng matagal  
Ano ka nag papasabik?  
'Yang mukha mong makapal  
Umalis ka na dito di kita kailangan  
Bakit ka nagagalit?  
Ikaw nga tong dinadamayan  
Huwag kang magmamalaki sakin  
Baka mapahiya ka  
At malaman ng lahat ng tao  
Kung bakit hindi ka makalaya  
Yung nobyang ginoyo mo diba yun yung namatay?  
Dahil gusto mong kunin yung pera pati relo niya sa kamay!  
Kasi lulong ka sa droga  
Kaya lahat tinalo mo  
'Yang pangalan mong Oka  
Gasgas na yan sa inyo  
Tapos lagi kang nagwawala  
Kapag malakas yung tama mo  
Kaya kawawa yung mga mahal mo  
Sa pag mamakaawa mo!  
Hindi ka nila natitiis kasi mahal ka nila  
Pero hinayaan mong numipis lahat ng pasesnya nila  
Tama lang sayo yan  
Ang mabagansya ka  
Isipin mo ninakaw mo pati sa pamangkin mong alkansya  
Akala mo ba may kausap ka?  
Sira wala  
Nasa mandaluyong ka  
Wala ka sa munting lupa  
At hindi araw ang buwan  
Huwag mong kulayan ng dilaw  
Si Oka ay si Waki

Kasi ako ikaw